

DISSERTATIO CHIRURGICA

D E

PARACENTESI URETHRÆ

IN ISCHURIA PERTINACI;

QUAM DEO JUVANTE, & *Præside* BERNARDO PEYRILHE,
Chirurgia Magistro, Doctore Medico Tolosano, Chymia Regio
Professore, Academia Regia Chirurgia Consiliario, è Regiâ
Academiâ Scientiarum Humaniorum Litterarum & Artium
Tolosanâ, nec-non è Regiâ Scientiarum Societate Mons-
pelienfi, tueri conabitur NICOLAUS-LUDOVICUS LEGER,
Parifinus, Doctör Medicus Rhemensis, in almâ Univerfitate
Parifienfi Liberalium Artium Magister, Dissertationis Auctor.

Die Sabbati vigesimâ secundâ Mensis Augusti, anno Salutis
1778, à sesqui-secundâ post meridiem, ad septimam.

IN REGIIS CHIRURGORUM SCHOLIS.

PRO ACTU PUBLICO


ET

MAGISTERII LAUREA.



PARISIIS,

Typis MICHAELIS LAMBERT, Regii Chirurgiæ Collegii
 necnon Academiae Typographi, viâ Cithareâ.

 M. DCC. LXXVIII.


DISSEMINATIO CHURCHIA

DE

REPUBLICA CHURCHIA URTHRA

IN REBUS CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA

CHURCHIA CHURCHIA CHURCHIA



D. O. M.

DISSERTATIO CHIRURGICA

D E

PARACENTESI URETHRÆ
IN ISCHURIA PERTINACI.

OBSOLETAM urethræ paracentesim dum allaboramus rescribere inter eximias Chirurgiæ encheireses, litem jamdudum decisam ad judices deferre fortè videbimur. Et quidem non desunt Chirurghi, cæteroquin commendabiles, qui sibi persuadeant singula artis molimina, quibus veterascere contigit, consultò & post perpenſa cum incommodis ipsorum commoda, expuncta fuisse. Verùm quàm falluntur! quot & quanti operandi modi exolevère, non quòd melioribus ceſſerint, sed propter ægrorum mollitiem, medentium inertiam, & centium

in pervolvendis Chirurgiæ artis monumentis segnitiam, uno verbo dixerim, quod sic voluerit usus, penès quem arbitrium est & jus & norma, ut loquendi, sic quodammodo, curandi mortalium ægritudines. Universas artis operas, quæ oblivione primùm torpentes, dùm Chirurgi de novis methodis ac instrumentis quæ his absolvendis aptiora videbantur, inter se disceptarent, quæ deindè novorum inventorum famâ spoliata ac denudata honore proprio altis se immergere tenebris, pristinum recuperaturæ splendorem cùm jussit fors, recensere nobis mens non est, unam urethræ paracentesim ab immèritâ proscriptione vindicaturis. Hic propositi scopus; hæc opusculi summa est.

2. Paracentesis urethræ nomine designatam volumus hujusce canalis juxta vesicæ collum incisuram, axi parallelam, quâ vel sponte effluant urinæ repagulo cohibitæ, vel immissâ brevi decentique fistulâ eliciantur.

3. Hæc operatio, Chirurgorum gallorum genuinus fœtus, medio seculo XVI excogitata, integris duobus seculis vixit, fortèque vigeret adhuc-dum, nisi plurimis ejusdem scopi conaminibus tunc certatim editis obnubilata, delituisse. Ex publicorum monumentorum fide Thevenino, Chirurgo Parisiensi literis & arte claro, coeva reputanda est (1): imò antiquior, cum jam apud Zecchium habeatur (2); cui inventionis laudem sibi arroganti sub finem seculi XVI, opponebat Riolanus, ante centum annos Parisienses medicos (nimirum Medicos-Chirurgos, Medici-Physici enim tunc temporis, ut ab Anatomîâ, sic à Chirurgiâ temperabant) hanc operationem celebrasse (3).

(1) *Les Oeuvres de Maître François Thevenin, Paris, 1669, in-4º. pag. 163.* Theveninus obiit anno 1638.

(2) *Consult. medicinal. Consult. 58.*

(3) *Encheiridion, Lib. 2, Cap. 31.*

4. Non tamen reticendum est Saviardum (1), quo pollebat ingenio ductum, naturæ molimina acutè interpretatum, operationem nostræ affinem instituisse. Num antiqua Collotorum familia inventionis honore fraudanda sit hæremus ambigui: cum enim præclari hujus nominis viri, qui ante ducentos annos suâ in secando calculo peritiâ eminuerunt, sibi & paucis discipulis suam artem servaverint; cumque libellus horum nomine insignitus post Francisci, Collotorum ultimi, excessum (2), in lucem prodierit, vix vel acutissimi, possent Bibliographi doctrinæ hoc volumine contentæ ætatem definire.

5. Quidquid sit de ipso Colloti opusculo, certum est id ipsum testari felici eventu incisam fuisse urethram in Ischuria pertinaci (3). Medius inter Theveninum & Collotorum ultimum Toletus tractatum de lithotomia in lucem emisit, quo nostram operationem commendat tamquam jam vulgatam & usu probatam; simulque edocet quâ methodo, quo apparatu perficiatur (4). Exinde potioribus galliæ Chirurgis exulta, tandem cum Ledranio postremo ejus patrono, ferè occubuit: nec tamen obstarunt improspera hujus operationis fata quin paucis abhinc annis hujusce Collegii Socius illam ab oblivione vindicaret debitisque encomiis extolleret (5). Sed quàm difficilè inveteratum mutant morem practici! quàm ægrè redit honos rebus antiquis! quàm arduum medenti & suæ

(1) *Nouveau Recueil d'Observations chirurgicales*, Paris, 1702.

(2) Medicus in Chirurgos asper, ne dicam incivilis, qui posthumum Collotorum opusculum edidit, vitam & obitum Francisci Colloti quamvis ignota prætermisit; unde invaluit opinio apud Bibliographos incertum esse tempus quo Franciscus è vivis excessit: verùm ex Toletis cognoscere poterat Senacus hunc præclarum Chirurgum obiisse die 25 Junii anno 1706.

(3) *Traité de l'Opération de la Taille*, pag. 232.

(4) Pag. 300.

(5) *Essai sur la vertu Anti-vénérienne des Alkalis volatils*, pag. 180.

famæ consulere, & succurrere ægris, etsi desperatis, insolita, licet usitatis meliora, tentando!

6. His prælibatis, ad rem ipsam properantes, recensebimus primum varia ischuriæ genera, quibus tutam promptamque opem ferre nobis visa est urethræ paracentesis.

7. Ischuriarum aliæ vitiis urethræ, aliæ vesicæ morbis imputandæ veniunt: renales omittimus, quod Chirurgiæ instrumentalis conatibus cedere nesciant. Quæ in urethrâ sedem fixerunt ischuriæ variis causis referuntur, quas hîc colligere ac perpendere neque finit opusculi modulus, neque propositi finis exigit: summam quæcunque impedimenta lotium cohibentia urethram adeò exquisitè ac pertinaciter obturando vel angustando ut neque cerei, neque catheteres omnigeni, his superatis, ad vesicam demitti queant; aut si ad lotium usque adiguntur, non possint præ dolore tolerari, præcipuè si remotis catheteribus recurrat angustia rursùm urinas cohibitura; hæc, inquam, impedimenta urethrales ischurias contumaces pariunt, quarum aptissimam medelam in urethræ sectione ponimus.

8. Ergo parietes urethræ inflammati, incrassati, tumefacti, callo indurati, obstipati, varicosi, exulcerati, quibus vitiis sejunctis unitisve hunc in modum angustatur, in serpentinis tortus flectitur ac præcluditur urethra, ut neque chirurgica instrumenta ingredi neque urinam egredi sinat, vulgatiores sunt causæ urethralis ischuriæ ad tantum pertinaciæ gradum evectæ, ut paracentesi viam recludere lotio cogat imperiosa necessitas.

9. Numerosiores multòque graviores sunt ischuriæ vesicalis causæ: hujus census habentur vesicæ & potissimùm ipsius colli varices, quas hemorrhoides accuratiùs dixeris; inflammatio, ulcera, fungi, appendicula internæ tunicæ quoquo modo tumefacta & indurata, quâ clauditur ostium; huicque affinis Briffautii miranda valvula (1); prostaticarum infarctus, scirrhusi, lym-

(1) Toletus opere citato, pag. 275.

phatici, inflammatorii, purulenti; demùm ipse calculus collo impactus quem neque catheter retropellere, neque lotium circumfluere valeat.

10. Uno verbo, quoties catheterem nullâ omninò ratione in vesicam demittere chirurgus valet; vel si violentiùs adigens tandem ad optatum scopum quomodocunque pertingat, ex inconsultâ infulsâque operâ dolores ingravescant, atque non nunquam laceretur, disrumpatur urethra, imò inflammatio gangrenodes proritetur; tunc nisi propinqua certaue spes affulgeat mox collapsura fore impedimenta, urethræ paracentesim tutiorem expeditioremque viam esse, non modò ægris servandis, sed obstaculis abigendis, ratio & magnorum in arte virorum experientia innuunt atque testantur.

11. Ut inter se Chirurgi expertissimi consentiunt de methodo operandi, sic nos ipsis assentimur.

1°. Theveninus, Toletus, Collotus, iisque præeuntibus Heisterus modum proponunt *magno apparatui* non absimilem, quem omnibus numeris absolutum & agnoscimus & profitemur.

2°. Ægro ritè disposito, Chirurgus catheterem fulcatum in urethram demittit, donec ad obstaculum pertingat, quod juxta vesicæ cervicem plerumque latere asserunt alii (1), nos supponimus tantùm perspicuitatis gratiâ. Postea scalpello ancipiti, eâdem ratione, eodemque loco quo in magno apparatu, ad latus raphes, præmonente Toletus, ne cicatrix evadat molestior (2), urethram incidit, vulnere quod recipiendæ fistulæ argenteæ sufficiat, donec apicem scalpelli in catheteris fulcum immiserit; sicque, ut cuilibet palàm est, ex urethrâ virili femineam facit. Deinde vel fistulam breviorē intra vesicam molliter demittit, vel, si negotium non succedat, ductorem canaliculatum per brevem, quæ super est, urethram & vesicæ cervicem adigit;

(1) Heister, Institut. Chirur. pag. 944. & s.

(2) Pag. 172.

quem in vesicam, superato sphinctere, pervenisse lotium effluens certius testatur.

3°. Si ductoris sulco tota se effuderit urina, & talis indolis sint impedimenta quæ promptæ relaxationis spem admittant, introductio fistulæ consultò differtur; sin minus antequàm removeatur ductor, immittitur.

4°. His absolutis, si vires sinant, æger descendat in folium repidum, quo mitescet dolor, præsentis moxque invasuræ inflammationis Symptomata comprimentur, & quidquid tensum, tumidum, aut rigidum est laxabitur: ad quartam usque diem iterandum balneum est & fotibus laxantibus juvandum.

12. Operosius absolvetur urethræ paracentesis cum repagula medium alvei tractum obstipantia catheterem à loco tundendo arcant. Verùm neque tunc adeò operosa res est, ut vulgari majorem operandi peritiam in-Chirurgo desideret (1). Pars membranosa urethræ, donec sana est, pollice capacior magis magisque distenditur in ischuriis pertinacibus, ita ut familiare sit hanc ad duplam triplamve capacitatem sensim deductam invenire. Nec mirum, urinam enim dum excernere enititur vesica, in impedimenta detrudit; urinæ fluxus impingens in obstacula complanatur ac in latera canalıs reagit eadem vi quâ agitur; hæc deducuntur, capacitas alvei adaugetur, tandemque memoratam adipiscitur amplitudinem. Et sanè, neminem latet fistulas, quas urinarias dicunt, ischuriæ imò & stranguriæ deberi. Porro hæc fistulæ effusionem urinæ in textum cellularem seu abcessus urinarios, excipiunt, horumque existentiam supponunt, ut ipsi abcessus demonstrant disruptum esse vesicæ collum, aut urethræ tractum, qui à vesicâ ad impedimenta protenditur: sed nunquam urethra in dictas rimas, quæ lotium fundant, dehiscet, antequàm quantum valet vi distendenti, nempe urinæ, vesica obsecuta fuerit. Ergò quoties sæviet pertinax ischuria ex impe-

(1) Collot, pag. 242, 244.

dimentis medium urethræ tractum occupantibus ; catheteremque arcentibus , toties diducta & amplior facta deprehenderetur urethra , inter obruramentum & urinæ receptaculum posita. Ergò capacior hæc urethræ pars & manifestè palpanti digito , & latè secandi lithotomo occurret ; ergò quamvis destitutus cathetere , hanc tutò ac facilè tundet Chirurgus.

13. Dicent fortassè nostræ operationis inconsulti ofores , tales urethræ angustias quæ à medio veretro ad prostates usque protendantur , esse possibiles , addentque tunc nostram operationem , ut impossibilem sic irritam omninò fore. Unum , nec plura , talis infarctûs exemplum , ex Colloto habemus , quem Chirurgus hic peritissimus & secuit & vicit feliciter (1). Ergò possemus experienciâ freti contendere , & in his angustiiis paracentesim urethræ solito beneficio frui : verùm cùm exinde differrationis argumentum nihil detrimenti pariat , fatebimur hanc operationem in mirandum hunc obicem infirmam esse , hæcque neglectâ ad affinem Thevenini vesicæ sectionem (2) , aut si malint ad punctiorem confugiemus.

Interea cùm catheter in obices à collo vesicæ diffitos impingit nec hos prætergreditur , cautiùs se gerat Chirurgus rectore , & ut ita dicam , metâ ad quam pertingat destitutus ; non autem timidiùs , cùm vix possit ab urethrâ aberrare. Fortè mallent quidam ipsos catheteri obluctantes obices rectâ incidere ? Hi fautorem habebunt sæpiùs laudatum Collotum.

14. Postquam probatum est tutò & commodè urethram secari , quoties pertinax ischuria cogit insolitam recludere viam lotio , hujus sectionis peculiare dotes disquirendæ perpendendæ & pro viribus illustrandæ veniunt.

15. Omni graviore noxâ expertem esse paracentesim urethræ , præter partium divisarum naturam , evincunt ratio & numerosa

(1) Pag. 245.

(2) Loco citato.

experimenta à Thevenino, Tolero, Saviardo, Colloto, le Dranio sexentisque aliis capta. Vanum pariter lædendi vasa seminalia metum à Junckero fictum (1) abigit virorum magno apparatu sectorum generationis negotio utiliter incumbendum caterva.

16. Arduam magis Chirurgo, & ægroto magis acerbam esse urethræ paracentesim reliquis vesicam tundendi modis etsi non diffiteremur, non proinde deterior habenda foret nostræ operationis conditio : nam Chirurgi labor & opera ne vel minimi momenti sunt, & propter partium torporem his ægitudinibus familiarem tam parvum atque tam nullum est doloris augmentum methodo imputandum, ut conferri cum peculiaribus operationis meritis non permittant artis dogmata, quæ *tutò* & postea *jucundè* curare docent.

17. Cum inflammatio vesicæ collum obsidet, sive ipsa ischuriam suscitaverit, sive ascita sit & genuinam ischuriæ causam commitetur, sectâ urethrâ remittit inflammatorius æstus, laxantur stricta, concidunt tumefacta, quantuluscunque sit emissi sanguinis fluxus, ut rectè quondam notaverat Toletus (2), & observatio novissima, quam à Chirurgo magni nominis accepimus, comprobatur.

1^o. Quidam è pseudo-Chirurgis qui certam exiguisque terminis definitam practicandi licentiam pretio sibi comparant, dum acum triquetram intra vesicam demittere intendit, in inflamatam lotiumque cohibentem prostatam infigit. Quid fit? Sanguis ad quatuor uncias fertur per fistulam; concidit prostata; laxatur sphincter; urina pleno alveo fluit, omnemque abstergit ischuriæ metum.

18. Hæmorrhoides seu varices vesicæ collum tuberibus anfractuosisque gyris deformantes quandòque viam lotio præcludunt, aut saltem coangustant alveum; ita ut nunc nullum patiantur

(1) Conspect. Chir. pag. 674.

(2) Oper. Ck. pag. 301.

elabi lotium, nunc parcum, & quandòque sanguineum laticem pure aut muco vel etiam utroque remistum affatim fundant; tunc, inquam, tanto malo aut medetur aut saltem opitulatur urethræ paracentesis.

1°. Pertinacia varicum quæ vesicæ collum partemque membranofam urethræ obstipant, nemini Chirurgorum non nota est. Neminem pariter latet elabentem è varicibus sanguinem quandòque dum fluit intra urethræ alveum, in grumos densari, canalem obturare, sicque urethralem ischuriam vesicali ischuriæ subungere, gravissimumque vitæ discrimen gravissimo addere.

2°. Sectâ more parentum urethrâ, non modò utrique ischuriæ succurritur, sed sequax vesicæ distentio, inflammatio, suppuratio, arcetur. Huic medelæ usque adedò confidimus, ut plurimos ægrotos, qui sub propriis oculis occubuère, salvos nunc stare, si hâc usi fuissent, pro certo habere vel inviti cogamur. Hâc enim & panditur via urinis, muco, puri, sanguini, & suus vesicæ redditur vigor, quo propria vitia abigat, vel curæ patientiora efficiat, vel denique mitiora, ægroto minùs molesta & œconomix animalis muniis minùs infesta reddat.

19. Ex dictis, hoc paragrapho, quid sentiendum sit de paracentesi urethræ meritis cùm ulcera vesicæ collum aut ipsius corpus occupant vel lippis patere existimamus, quorum vitiorum medela ab injectionibus potissimùm petenda.

20. Id imprimis notatû dignum occurrit urethræ sectione viam recludi internis vesicæ membranis quæ aliquando per suppurationem abscedunt, foràsque, quòd vix sperare permittit viarum angustia, trudentur. Hæ rarò visæ, licet Willisio (1), Ruischio (2), Boerhaavio (3), Rouhaultio (4) se obtulerint,

(1) Dissert. de Urinis, Cap. 5.

(2) Advers. Anat. Dec. 2, n°. 9.

(3) Vid. Christ. Kochii. Affect. in lib. & cæt. rar. Descr. in Raciocia.

(4) Hist. de l'Acad. des Scien. an. 1714, Obs. Anatom. 12.

frequentius haud dubiè secedunt quàm excernuntur; versæque in putrilaginem non possunt morbum non adaugere, aut delapsæ intra canalem novam non creare ischuriam. Sectâ urethrâ has faciliùs excerni nemo non videt: sic ultima ausus Valentinus, inter Chirurgos Parisienses ingenio clarus, in ipso agone, omnibus incassum tentatis, urethram fecuit; lotium primò, deinde amplam membranam eduxit, & ægrum ab orci faucibus liberavit.

21. Quàm dira, quàm pertinax sit prostatica induratio mille funesti eventus abundè comprobarunt. Numerosa prætumidæ præduræque prostaticæ glandulæ exempla produnt Auctores apud Bonetum (1), Heisterum (2), Morgagnum (3), laudati, & qui antè alios nominandus esset Pareus (4). Hæc glandula tumescit nunc obruta & quasi confixa calculis, quorum propria signa adhuc desiderantur (5); nunc lymphaticis congestionibus conferta distenditur.

1. Mole aucta prostata non uno modò urethram angustat: aliquandò enim parietem parieti apprimat; aliàs intus demissâ appendiculâ, piro, cerafo, &c. . . simili viam claudit. Hunc obicem, quater Morgagno visum (6), observaverat Rhodius (7), qui senem describit in quo mictionem fecerat sensim difficilior, denique autem, mucò addito, urinæ viam omnem intercluserat *soli vesicæ orificio appendicula callosa, interiùs adnata, & veriùs interior ambitus orificiù membranofus in articuli magnitudinem excrescens*. Huc pariter spectare videtur quæ in Sepulchreto ex Gassendo proponitur, ad *vesicæ sphincterem caruncula*,

(1) In Sepulchreto Sect. 24. Obs. 17: Sect. 25. Obs. 16, 17, 18, 19.

(2) Inst. chir. p. 2. S. 5. Cap. 44.

(3) Epist. 41. 66.

(4) Vid. ejus opera, Lib. 19. Cap. 19.

(5) Epistol. 42, n. 37.

(6) Epist. 37, 30: 41, 6: 43, 24: 66, 6.

(7) In Sepulchreto Sec. 25, Obs. 12.

callosave substantia , quæ internè tumida & triente prope digiti crassa , meatûs orificium obstruebat (1).

2°. Num hæc excrescentia quid naturale sit & recens inventum controversia mota est: de utroque audiendus est Santorinus (2): *quanquam aliquando ad cervicis vesicæ osculum posteriùs quidpiam, de quo mox, in magnam satis molem prominere vidimus, id vel perrarò compertum est, vel ex iis dumtaxat subjèctis, quorum vesica laboraret, usque adeò extare observavimus, ut ea res haud mereatur, quæ ceu perpetua & constans, quæque vitiosa, & infrequens est, vel tyronum, vel minùs exercitatorum damno exhibeatur.* Non aliter Morgagnus, qui cum uvulam, quam vesicalem dixerunt, invenire in statu sano nunquàm potuerit, hanc eminentiam pro extuberantiâ prostaticæ habere non recusavit; in hoc discrepans ab aliis, quòd illis hæc excrescentia aucta creditur fuisse uvula, cùm suæ illi observationes persuadeant indè ubi nulla fuisset uvula, præter naturalem omninò excrescentiam prostaticam existisse (3).

3°. Quidquid sit de hac controversiâ, certum est peculiarem hunc obicem viam lotio præcludere. Porro quoties mole auctis prostaticis sic angustatum vel obturatum vesicæ collum est, ut urinis via præcludatur, quàm operosa & sæpè sæpiùs quàm irrita sit catheteris demissio quis expertus non fatebitur? Sectâ & in hoc infortunio urethrâ, immisâque fistulâ, quam vix unquam admittere respient obices, urgenti succurritur symptomati, vita tuta præstatur, donec causa morbi congruis debelleretur medelis; aut saltem reclusum ostium servat lotio assiduus & perennis fistulæ usus.

22. Nec nos terreant ab opportunave opera dimoveant quæ assiduum usum fistulæ trans vesicæ parietes infixæ sequi solent incommoda. Cùm enim ducente acu triquetrà per vesicæ parietes:

(1) Ibid.

(2) Opuscul. Anatom. Cap. 10.

(3) Epist. 66, n°. 12.

adigitur cannula, quamdiu locum transfixum occupat, tamdiu vulneris ambitum incessanter affricat, & mala ex affricatu oriunda proritat.

1°. Ne cannula vesicam deferat id imprimis curat Chirurgus ut tantum in vesicæ cavum promineat, quantum media diameter vesicæ exhaustæ, media diametro vesicæ plenæ superatur. Nisi enim sic profiliret cannula, vesica dum emisso lotio concidit, cannulam breviorē defereret, fortèque lotium in inania spatia funderet; pars autem extrema fistulæ, ut decet tenuis & acuta, impingentes vesicæ exhaustæ parietes pungit, irritat, inflammat, gangrænamque, his in infortuniis non infrequentem, aut prolicit, aut saltem adjuvat. Verum quis Chirurgiæ gnarus parem eventum formidabit ex morâ cannulæ, quâ definit subrotundæ, per viam naturalem vix supra sphincterem demissæ? Discrimen luce meridianâ clarius otiosum foret accuratiùs evolvere.

2°. Quod ad incisuram urethræ spectat, licet hæc foramine acutriquetæ paulò amplior, vix statui potest an simul acerbior ac molestior sit. Verum omisso utrinque dolore, id testantur centies capta experimenta urethræ incisuram spontè coire, atque validâ cicatrice expleri post abactos obices, etiam invito oblucanteque Chirurgo (1). Vanâ ergò querelâ paracentesim urethræ fatigarent qui fictitium urinariæ fistulæ metum ipsi exprobrarent. Interdum tamen de industriâ studendum est ut fistula urinaria perennet, quâ & mucosi, purulenti, ichorosi latices effluant, & minuti calculi, si fortè exclusi latebris se tandem prodant, educantur (2).

23. Res adhuc feliciùs succedet, si tumefactio prostatarum inflammatoria vel apostematosa fuerit: prima enim ex parte concidet; altera vel lithotomo recludetur, vel partim divisa tumoris involucria minori vi rumpentur & contentum distendentemque laticem fundent quâ data porta est effluxurum. Hinc via reddita lotio; patienti salus.

(1) Ledran. Obs. de Chir. t. 2, pag. 183. Obs. 77 & alii.

(2) Idem. Traité des opér. de Chir. pag. 282.

1°. Hujus quem promittimus felicitis eventus, præclarum exemplum sistit Plesii Doctoris medici observatio, Riolano filio consecrata dicataque, anno 1651, vix nota, cum in calce *encheiridii* ablegata toto opere obtegatur.

2°. Incidit de repente ipse Plesius in molestam & stranguriosam urinæ difficultatem, quam mox excipit omnimoda urinæ suppressio. Cum solita auxilia nihil proficerent, cogitur admittere catheterem, solerti Joannis Burgii Chirurgi in artis operibus versatissimi manu introductum; sed sine successu, revulso propulsatoque toties à resistente sphinctere instrumento. Inducias tempus affert; immittitur catheter, sed mox recurrit immittendi impotentia. Interim collabebantur vires, & de summâ rerum jam decernendum esse ægroto videbatur. Quid plura! Ad urethræ paracentesim velut ad sacram anchoram confugitur. Statim suscepta à strenuo viro, statim peracta Chirurgica operatio incredibili celeritate, feliciterque educta insignis cænosi crassique puris diù in toto sphincteris ambitu suppressi copia. Habita deinde diligens admodum vulneris cura, intraque XX dies inducta cicatrix. Huic non absimilem observationem habet Collotus (1).

3°. Non minori emolumento incidetur urethra, cum apostema inter intestinum crassum & vesicæ collum nidulans urinam cohibuerit: hinc tamen æquum rerum estimatorem monitum volumus nos non propterea quòd abcessus prædictum locum occupat, idèò urethram secandam esse suadere: quoties enim de verâ apostematis sede suspicionem injicient symptomata, Chirurgo cautè secare & si ad apostema scalpellum possit adigere, ab urethrâ cavere præcipimus.

24. Idem quod de prostatarum internâ appendiculâ, dictum volumus de mirandâ valvulâ, quam Briffautius lithotomus Divionensis observavit, referente Toletto, quâ tam exquisitè cohibita fuit urina, catheterque remotus ut æger die ab invasione ischuriæ

septimâ vitam obierit (1). An testiculata tubercula mobilia à Thomâ Bartholino semel visa quid simile Briffautii valvulæ fuerint discernere perarduum est (2).

25. Ad hos proximè accedit obices rarus quem in viro ischuriâ denato vidit Morgagnus, qui nihil erat aliud quàm unum è foraminibus per quæ semen egreditur, sic dilatatum ut in ipsum extremus catheter se conjiceret (3).

26. In minori calculo collum vesicæ membranofamve urethræ partem obstipante catheteremque deludente, sive nudo, sive, ut observatum est (4), muco ita obducto ut nullam suspensionem injiceret, vix est quod immoremur: nemo enim non videt huncce calculum & sectione revelatum, & majori minorive negotio extractum fore; sicque morbo imposituram esse finem, urethræ paracentesim.

1. Hûc referri merentur minuti calculi, quibus urinosa scroti congestio & ischuria proritata fuerant, à Colloto extracti (5) post urethræ paracentesim quâ innotuerant. Num tutius sit quandoque magno calculo vesicam infestante lotiumque cohibente urethram incidere, ipsique lotio viam pandere, ut parentibus solemne erat, quàm grandiozem calculum extrahere, decernant lithotomi.

27. Fungos de quibus nequidem suspicio erat ante peractam urethræ paracentesim, & certò dignosci & educi, interdumque tutò evelli inter cæteros testatur Collotus, propriâ doctus experientiâ.

Ne in immensum crescat opus, de more angustis cancellis cohibendum, plura consultò omittimus, quæ inter disputandum si occurrerint pro viribus supplere conabimur.

(1) Pag. 275.

(2) In Sepulchreto Sect. 24. Obs. 12.

(3) Epist. 24, n°. 7.

(4) Morgagnus, Epist. 42, n°. 16.

(5) Pag. 277.